

16 მარტი 2018 წელი

ქ. რუსთავი

ერთი მხრივ, ქალაქ რუსთავის მუნიციპალიტეტი (შემდგომში „შემსყიდველი“) წარმოდგენილი ქალაქ რუსთავის მუნიციპალიტეტის მერის პირველი მოადგილის დავით კეკელიძეს სახით და მეორე მხრივ, შპს „არიში“ (შემდგომში „მიმწოდებელი“) წარმოდგენილი მისი დირექტორის არჩილ მუჯირიშვილის სახით, „სახელმწიფო შესყიდვების შესახებ“ საქართველოს კანონის და პრეტენდენტის (შპს „არიში“) სატენდერო წინადადების საფუძველზე, SPA180001980 ელექტრონული ტენდერის ჩატარების შედეგად დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვების შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისთვის.
- 1.3 „დღე“, „კვირა“, „თვე“ - კალენდარული დღე, კვირა, თვე.
- 1.4 „შემსყიდველი“ - ორგანიზაცია, რომელიც ახორციელებს შესყიდვას.
- 1.5 „მიმწოდებელი“ - პირი, რომელიც ახორციელებს მომსახურების გაწევას ხელშეკრულების ფარგლებში.
- 1.6 „მხარე“ - „შემსყიდველი“ ან/და „მიმწოდებელი“.
- 1.7 „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1 ქალაქ რუსთავში სხვადასხვა ინფრასტრუქტურული პროექტებისათვის საჭირო საპროექტო-სახარჯთაღრიცხვო დოკუმენტაციის დამზადების მომსახურების შესყიდვა. (CPV71300000)
- 2.2 „მიმწოდებლის“ მიერ ხელშეკრულებით ნაკისრი ვალდებულების აღწერა და მოცულობა მოცემულია ხელშეკრულებაზე თანდართულ ხარჯთაღრიცხვის დანართ №1-ში და სატენდერო დოკუმენტაციაში ატვირთულ - „დავალება დაპროექტებაზე“-ში.

3. ხელშეკრულების ღირებულება

- 3.1 ხელშეკრულების საერთო ღირებულება შეადგენს 43 070.00 (ორმოცდასამი ათას სამოცდაათი ლარი და 00 თეთრი) ლარს დღგ-ს გათვალისწინებით. (მომსახურების ღირებულება დღგ-ს გარეშე 36 500.00 (ოცდათექვსმეტი ათას ხუთასი ლარი და 00 თეთრი) ლარი, ხოლო დღგ-ს თანხა 6 570.00 (ექვსი ათას ხუთას სამოცდაათი ლარი და 00 თეთრი) ლარი).
- 3.2 ხელშეკრულების საერთო ღირებულება მოიცავს „მიმწოდებლის“ მიერ ხელშეკრულებით გათვალისწინებული ვალდებულების შესრულებასთან დაკავშირებულ ყველა ხარჯსა და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმები და ვადები

- 4.1 „მიმწოდებელთან“ ანგარიშსწორება განხორციელდება უნაღდო ანგარიშსწორებით ლარში.
- 4.2 ანგარიშსწორება განხორციელდება ეტაპობრივად, ფაქტიურად გაწეული მომსახურების მოცულობისა და ხარისხის დამადასტურებელი დოკუმენტის შპს „ოპტიმალ გრუპ“ -ის მიერ გაცემული ინსპექტირების ანგარიშის საფუძველზე გაფორმებული მიღება-ჩაბარების აქტისა და საგადასახადო ანგარიშ-ფაქტურის წარმოდგენის საფუძველზე.
- 4.3 ანგარიშსწორების ვადა: 4.2 პუნქტით გათვალისწინებული დოკუმენტაციის წარმოდგენიდან 20 (ოცი) სამუშაო დღე.
- 4.4 დაფინანსების წყარო: 2018 წლის ადგილობრივი ბიუჯეტი.

5. მიღება-ჩაბარების წესი

- 5.1 „მიმწოდებლის“ მხრიდან ხელშეკრულებით ნაკისრი ვალდებულება ჩაითვლება შესრულებულად შესაბამის მიღება-ჩაბარების აქტზე ხელმოწერის დღიდან.
- 5.2 შემსყიდველის მხრიდან მიღება-ჩაბარების აქტს ხელს აწერს ქალაქ რუსთავის მუნიციპალიტეტის მერიის პირველადი სტრუქტურული ერთეულის ინფრასტრუქტურის განვითარების და ტრანსპორტის სამსახურის ხელმძღვანელი, ხოლო მიმწოდებლის მხრიდან შპს „არიში“-ს წარმომადგენელი.
- 5.3 მიღება-ჩაბარების აქტში მითითებული უნდა იყოს:
„მიმწოდებლის“ მიერ შესრულებული ვალდებულების აღწერა.
„მიმწოდებლის“ მიერ შესრულებული ვალდებულების ღირებულება.
„მიმწოდებლის“ მიერ შესრულებული ვალდებულების ჩამონათვალი.

6. საპროექტო-სახარჯთაღრიცხვო დოკუმენტაციის მიწოდების ვადა და ადგილი

- 6.1 საპროექტო-სახარჯთაღრიცხვო დოკუმენტაციის მიწოდების ვადა: ხელშეკრულების გაფორმებიდან არაუგვიანეს 120 (ასოცი) კალენდარული დღე. (ხელშეკრულების გაფორმებიდან 2018 წლის 13 ივლისის ჩათვლით)
- 6.2 საპროექტო-სახარჯთაღრიცხვო დოკუმენტაციის მიწოდების ადგილი: ქ. რუსთავი, მ. კოსტავას გამზ. №20.

7. მხარეთა უფლება-მოვალეობანი

- 7.1 შემსყიდველი უფლებამოსილია:
ა) ნებისმიერ დროს განახორციელოს „მიმწოდებლის“ მიერ ნაკისრი ვალდებულებების შესრულებისა და ხარისხის ინსპექტირება.
ბ) არ ჩაიბაროს რაოდენობრივად ხარისხობრივად ან უფლებრივად ნაკლები მომსახურება.

შემსყიდველი

მიმწოდებელი

გ)იმ შემთხვევაში, თუ ხელშეკრულებით გათვალისწინებული მომსახურების გაწევის ვადის ამოწურვის შემდგომ არ იქნება დასრულებული მომსახურება, ცალმხრივად შეწყვეტოს ხელშეკრულება.

7.2 შემსყიდველი ვალდებულია:

ა) უზრუნველყოს „მიმწოდებლის“ მხრიდან ხელშეკრულების საგნით ნაკისრი, შესრულებული ვალდებულების ღირებულების ანაზღაურება, ხელშეკრულებით გათვალისწინებული ვადებისა და პირობების დაცვით.

7.3 მიმწოდებელი უფლებამოსილია:

ა) მოსთხოვოს შემსყიდველს ხელშეკრულების საგნით ნაკისრი, შესრულებული ვალდებულების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4 მიმწოდებლის ვალდებულებები:

ა) სრულად და ჯეროვნად შეასრულოს ხელშეკრულებით ნაკისრი ვალდებულება იმ ვადაში, რომელიც მითითებულია ხელშეკრულების 6.1 პუნქტში.

ბ) იმ შემთხვევაში, თუ რომელიმე პარამეტრი არ შეესაბამება შემსყიდველის მოთხოვნებს, საკუთარი სახსრებით აღმოფხვრას აღმოჩენილი ხარვეზი და წარმოადგინოს სრულყოფილი ვარიანტი.

გ) უზრუნველყოს მიღებული საპროექტო-სახარჯთაღრიცხვო დოკუმენტაციის საფუძველზე სამშენებლო სამუშაოების მიმდინარეობისას პროექტში კორექტირებების შეტანა (საჭიროების შემთხვევაში).

დ) საჭიროების შემთხვევაში მიმწოდებელმა უნდა წარმოადგინოს ინფორმაცია რეგისტრირებული მონაცემების შესახებ და შესაბამისი ორთოფოტო.

8. ხელშეკრულებით ნაკისრი ვალდებულებების შესრულების ინსპექტირება

8.1 ხელშეკრულებით ნაკისრი ვალდებულებების შესრულების ინსპექტირებას განახორციელებს ქალაქ რუსთავის მუნიციპალიტეტის მერიის ინფრასტრუქტურის განვითარების და ტრანსპორტის სამსახური (წარმოდგენილი მისი ხელმძღვანელის სახით).

8.2 ინსპექტირების გამწევის ფუნქციები:

ა) „მიმწოდებლის“ მიერ ხელშეკრულებით ნაკისრი ვალდებულების ხარისხსა და მიწოდების ვადების ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და ზედამხედველობის განხორციელება, მიღება-ჩაბარების აქტის გაფორმება.

ბ) სახელმწიფო შესყიდვის შესახებ ხელშეკრულების პირობების შესაბამისად „მიმწოდებელთან“ ანგარიშსწორების პროცესის რეგულირება.

გ) „მიმწოდებლის“ მიერ ხელშეკრულებით ნაკისრი შესრულებული ვალდებულების ნაკლოვანებებს ინსპექტირების გამწევი აფიქსირებს ოქმით. დაფიქსირებული ხარვეზების გამოსწორება ხდება „მიმწოდებლის“ მიერ საკუთარი ხარჯებით.

8.3 ხელშეკრულებით ნაკისრი ვალდებულებების შესრულების ტექნიკურ ზედამხედველობას განახორციელებს შპს „ოპტიმალ გრუპ +“, რომელიც ყოველი კონკრეტული ობიექტისთვის საპროექტო-სახარჯთაღრიცხვო დოკუმენტაციის დამზადების დაწყებიდან ჩაერთვება პროცესში და პროექტირების ყოველი ეტაპის დასრულების შემდეგ კონტროლს გაუწევს პროექტირებისას მიღებული ტექნიკური გადაწყვეტილებების მართლზომიერებასა და შესრულების ხარისხს.

8.4 „მიმწოდებლის“ მიერ ხელშეკრულებით ნაკისრი ვალდებულების შესრულებისას გამოვლენილი ყველა ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

9. ხელშეკრულების პირობების შეუსრულებლობა


- 9.1 „მიმწოდებლის“ მიერ ხელშეკრულებით ნაკისრი ვალდებულების შესრულების ვადის გადაცილების შემთხვევაში, „მიმწოდებელს“ დაეკისრება პირგასამტეხლო - ერთჯერადად, ხელშეკრულების შეუსრულებელი ვალდებულების ღირებულების 5%-ის ოდენობით, ხოლო ყოველ გადაგადაცილებულ დღეზე ხელშეკრულების შეუსრულებელი ვალდებულების ღირებულების 0.1%-ის ოდენობით.
- 9.2 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

- 10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 10.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 10.5 მხარე ვალდებულია 10.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 3 (სამი) სამუშაო დღით ადრე წერილობით ან კომპიუტერული ელექტრონული საშუალებების გამოყენებით შეატყობინოს მეორე მხარეს.
- 10.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.



მიმწოდებელი



10. დაუძლეველი ძალა

- 11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.
- 11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მეორე მხარე არ გათავისუფლდება ნაკისრი ვალდებულებებისაგან.
- 11.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

11. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2018 წლის 31 დეკემბრის ჩათვლით.

რეკვიზიტები

„შემსყიდველი“

ქალაქ რუსთავის მუნიციპალიტეტი
მის: ქ. რუსთავი, მ. კოსტავას გამზირი №20
საიდენტიფიკაციო კოდი №216433287
სახელმწიფო ხაზინა
ხაზინის ერთიანი ანგარიში
ბ/კ: TRESGE22
მიმღების ანგარიში: GE24NB0330100200165022

ქალაქ რუსთავის მუნიციპალიტეტის
მერის პირველი მოადგილე

დავით კეკელიძე



„მიმწოდებელი“

შპს „არიში“
მის: ქ. რუსთავი, XVI და XVII მკ/რ-ებს შორის, №9 და
№23 სახლებს შორის მიმდებარე ტერიტორია
საიდენტიფიკაციო კოდი №416304252
სს „თიბისი ბანკი“
ბ/კ №TBCBGE22
ა/ა №GE74TB7035236080100009

შპს „არიში“-ს დირექტორი

არჩილ მუჯირიშვილი



ინსპექტირებაზე პასუხისმგებელი პირი: ზურაბ ტაბაღლაძე

Handwritten signature in blue ink.

სხვადასხვა ინფრასტრუქტურული პროექტებისათვის საჭირო საპროექტო-სახარჯთაღრიცხვო დოკუმენტაციის დამზადება


№	მომსახურების დასახელება	ღირებულება (ლარი)
1	გოგებაშვილის ქუჩის და მისი მიმდებარე ეზოების (გოგებაშვილის №3,5,7 ოდიშარიას №30 მშენებელთა №22,24,26 ბოსტანქალაქის №17,19,21) ა/ზეტონის საფარის რეაბილიტაცია	3 000,00
2	გარეჯის ქუჩის გაგრძელებისა და გაგარინის ქუჩის დარჩენილი ნაწილის ა/ზეტონის საფარის და სანიაღვრე ქსელის რეაბილიტაცია	200,00
3	გარეჯის ქუჩის №21 საცხოვრებელი კორპუსის ფასადის რეაბილიტაცია	1 000,00
4	მაიაკოვსკის №6 კორპუსი ეზოს კეთილმოწყობა	350,00
5	მეგობრობის №35-37 კორპუსებთან მინი სპორტული მოედნის მოწყობა	450,00
6	მესხიშვილის №11-13 კორპუსებთან მინი სპორტული მოედნის მოწყობა	450,00
7	მეგობრობის გამზირზე შუა გამყოფი ზოლის რეაბილიტაცია და მეგობრობის გამზირის №12-დან №20-მდე კორპუსებთან ტროტუარზე ბოძკინტების მოწყობა	600,00
8	მე-19 მკრ-ში №10 კორპუსთან გაჩერების ტერიტორიის კეთილმოწყობა (საგზაო ნიშნებით)	200,00
9	რჩულიშვილის №18 კორპუსის ეზოს ა/ზეტონის საფარის რეაბილიტაცია	1 000,00
10	სპორტის ჩიხი და მიმდებარე ეზოების (ფიროსმანის №9,11,13 სპორტის ჩიხის №9ა,11ა,13ა,12ა,14ა,16ა სპორტის №4,6,8 მშენებელთა №10,12,14,16,18 ოდიშარიას №23,25,27) ა/ზეტონის საფარის რეაბილიტაცია	4 500,00
11	დუმბაძის გასასვლელის ა/ზეტონის საფარის რეაბილიტაცია	1 300,00
12	დუმბაძის №34-44 კორპუსებთან ა/ზეტონის საფარის რეაბილიტაცია	1 300,00
13	მელიქიშვილის გასასვლელებში გზებისა და სანიაღვრე სისტემის მოწყობა	13 000,00
14	ლომოურის I,II,III და IV გასასვლელებში გზებისა და სანიაღვრე სისტემის მოწყობა	5 000,00
15	გომელაურის ქუჩისა და ფიროსმანის ქუჩის დამაკავშირებელი სანიაღვრე ქსელის მოწყობა	500,00
16	XII მიკრორაიონისა და პუშკინის ქუჩის დამაკავშირებელი გზა	500,00



17	ფიროსმანის და კომუნალების ქუჩების კვეთაზე მდებარე მინი სპორტული მოედნის მოწყობა	450,00
18	მესხიშვილის №16-სა და ლეონიძის №12,14 კორპუსებს შორის მინი სპორტული მოედნის მოწყობა	450,00
19	მეგობრობის №2 მ/ტ-ზე მინი სპორტული მოედნის მოწყობა	450,00
20	მეგობრობის №10 მ/ტ-ზე მინი სპორტული მოედნის მოწყობა	450,00
21	თბილისის №2 მ/ტ-ზე მინი სპორტული მოედნის მოწყობა	450,00
22	თოდრიის III ჩიხის №1 მ/ტ-ზე მინი სპორტული მოედნის მოწყობა	450,00
23	რჩეულიშვილის №4 მ/ტ-ზე მინი სპორტული მოედნის მოწყობა	450,00
სულ ჯამი:		36 500,00



შპს „არში“ ს დირექტორი
ა. მუჯირიშვილი



(ხელმოწერა)



ინფორმაცია ინტერესთა კონფლიქტის შესახებ

16 მარტი 2018 წელი

ქ. რუსთავი

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ქვემოთ ხელის მომწერი პირი ხელის მოწერით ადასტურებს, რომ ქალაქ რუსთავის მუნიციპალიტეტის მიერ 2018 წლის 15 თებერვლის სატენდერო განცხადების **SPA180001980** ელექტრონული ტენდერის საშუალებით ქალაქ რუსთავში სხვადასხვა ინფრასტრუქტურული პროექტებისათვის საჭირო საპროექტო-სახარჯთაღრიცხვო დოკუმენტაციის დამზადების მომსახურების შესყიდვის განხორციელებაში შპს „არიში“-ს (ს/კ 416304252) მონაწილეობა არ იწვევს ინტერესთა კონფლიქტს.

შპს „ოპტიმალ გრუპ +“-ის დირექტორი



ნინა კარბელაშვილი